

## Calvinischen Rathschläge.

5

besser vnterrichtet werden/ leichtlichen berü-  
ckert / vnd von der rechten Bahn Göttlicher  
Warheit / auff gefährliche Irrweg/die zum  
Verderben führen / können verleitet werden.

Diesen / vnd andern frommen guther-  
tigen Christen / welche Berichts bedürffen /  
solle diese meine Arbeit von mir gemeinet  
sein/ Walte es der getreue Gott/mit gnaden/  
A M E N.

Damit wir nun zur sachen kommen/ so  
begreiffet das außgesprengte Büchlein Herrn  
Johann von Münsters / in sich vier vnter-  
schiedliche Theil: Erstlich eine Vorrede / an  
Fürstliche vnd Gräffliche Personen: Dar-  
nach eine besondere Vorrede an den Christ-  
vnd Warheitliebenden Leser. Zum dritten  
einen Discurs von der Augspurgischen Con-  
fession/ wenn dieselbige angefangen / Item /  
Ob die Reformirten (verstehe/Calvinischen)  
Kirchen sich von der Augspurgischen Con-  
fession abgesondert: Vnd denn/ das die Lehr  
dieser Calvinischen Kirchen in genere, von  
den Sacramenten: vnd in specie, von der H.  
Tauff/vnd H. Abendmal/ mit der Augspur-  
gischen Confession / derselben Apologia vnd  
Repetition/auch Franckfurtischen Abschied/  
so Anno 1558. auffgerichtet ist/ allermassen

A iij

vber.